

**U G O V O R**  
**o nabavci / izvođenju molerski radovi na lokalitetima Zavoda DS 10-42/20**  
**za potrebe Zavoda**

zaključen je u Sarajevu dana 28.10. 2020. godine, između:

**Javna ustanova Zavod za zdravstvenu zaštitu žena i materinstva Kantona Sarajevo,**  
sa sjedištem u Sarajevu, ulica Josipa Vancaša broj 1,  
ID broj: 4200291370008,  
Telefon: 033/560-222, Fax: 033/560-224  
E-mail: [zzzm@bih.net.ba](mailto:zzzm@bih.net.ba)  
koju zastupa Mr.sci.med.dr. Enis Hasanović, direktor (u daljem tekstu: Naručilac),

i

**Naziv ponuđača Colorex d.o.o. Mostar**  
sa sjedištem u ul. Kneza Višeslava 14, 88000 Mostar  
ID broj: 4227835130001, PDV broj: 227835130001  
Telefon: 036/348-850, Fax: 063/348-851, mob: 063/311-481  
E-mail: [colorex.doo@hotmail.com](mailto:colorex.doo@hotmail.com) , [janja.colorex@tel.net.ba](mailto:janja.colorex@tel.net.ba)  
koga zastupa Janja Gabrić, direktor (u daljem tekstu: Izvođač)

**PREDMET UGOVORA**

**Član 1.**

Predmet ovog ugovora je nabavka/izvođenja molerskih radova na lokalitetima Zavoda (lokalitet Ilijaš i Vogošća) u skladu sa tehničkom specifikacijom predmetne nabavke kako je određeno tenderskom dokumentacijom.

Radovi, koje će Izvođač izvršiti Naručiocu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

- Ponudom Izvođača br. 271/2020 od 20.10.2020. godine – dalje: ponuda Izvođača - (Prilog 1), (ugovorne strane podrazumijevaju da kompletna ponuda Izvođača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po direktnom postupku javne nabavke radova broj: DS 10-42/20.

Količine, vrste i kvalitet radova, materijala koji su predmet ovog ugovora su određeni ponudom Izvođača (Prilog 1) na osnovu kojih dokumenata se izvode radovi.

**CIJENA**

**Član 2.**

Naručilac će na ime izvršenih ugovorenih radova iz člana 1. ovog ugovora Izvođaču isplatiti

- Cijena bez PDV-a: 2.534,55 KM;
- Porez na dodanu vrijednost (PDV 17%) = 430,87 KM;
- UKUPNA VRIJEDNOST / CIJENA sa PDV-om = 2.965,42 KM  
(slovima: dvijehiljaddevetstošezdesetpet i 42 /100 KM).

**Član 3.**

Cijena iz člana 2. ovog Ugovora utvrđena je na osnovu vrsta, količina i jediničnih cijena iz ponude Izvođača radova.

Konačna cijena utvrdit će se na osnovu stvarnih izvedenih količina uz primjenu ugovorenih jediničnih cijena za pojedine vrste radova.

Ugovorene jedinične cijene su fiksne i ne mogu se mijenjati ni pod kojim uslovima.

## **NAČIN PLAĆANJA**

### **Član 4.**

Naručilac će Izvođaču radova izvršiti plaćanje za izvedene radove u roku od 10 dana od dana prijema fakture i zapisnika o primopredaji radova bez primjedbi na izvedene radove.

Izvođač je dužan izdati fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena na usklađivanje.

Uslovi plaćanja i drugi uslovi koje Izvođač jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

Plaćanje će se vršiti na transakcijski račun Izvođača br. 3381302246804896 kod Uni Credit bank d.d. Mostar.

## **OBAVEZE NARUČIOCA**

### **Član 5.**

Naručilac se obavezuje, naročito:

1. Uvesti Izvođača u posao najkasnije pet dana od dana obostranog potpisa Ugovora.
2. Obezbjedi Izvođaču radova nesmetan pristup prostorijama na lokalitetu na kojem se izvode radovi.
3. Obezbjedi Izvođaču korištenje priključaka za električnu energiju i vodu,
4. Izvrši plaćanje na način utvrđen ovim ugovorom,

Uvođenju Izvođača u posao se konstatuje u radnom nalogu izvođača, potpisanom od predstavnika Naručioca. Rok za uvođenje Izvođača u posao se produžava ako je uredno ispunjenje obaveze Naručioca onemogućeno višom silom. Produženje roka iznosi onoliko vremena koliko je trajalo dještvo više sile i koliko je bilo potrebno za otklanjanje njenih posljedica.

## **OBAVEZE IZVOĐAČA**

### **Član 6.**

Izvođač se obavezuje, naročito:

1. izvesti ugovorene radove stručno i kvalitetno prema projektnoj dokumentaciji i ponudi iz člana 1. ovog Ugovora, a u skladu sa važećim tehničkim normativima i standardima,
2. ugraditi kvalitetan materijal po tehničkom opisu i standardima,
3. izvršiti svaki eventualni nalog Naručioca u pogledu obustave rada, koji bi mogli ugroziti sigurnost ljudi i objekta,
4. koristiti materijal koji mora odgovarati standardima, odnosno kvalitetu utvrđenom atestom ili propisima.
5. za vrijeme izvođenja radova, obzirom na lokaciju, Izvođač je obavezan poštivati sigurnosne i bezbjednosne mjere,
6. vodi računa o urednosti prostora na kome se izvode radovi u pogledu smještaja opreme, materijala i drugih radnih i pomoćnih sredstava koje bude koristio u izvođenju radova,
7. po okončanju radova ukloni sav otpad i vrati prostorije koji je koristio za izvođenje radova u prvobitno stanje,
8. otkloni, odnosno nadoknadi svu eventualno pričinjenu štetu Naručiocu ili trećim licima,

9. da sa predstavnikom Naručioca izvrši zapisnički prijem o izvršenom poslu,
10. poduzme i druge aktivnosti neophodne za uspješno izvršenje ugovorenog posla.

## **ROKOVI ZA IZVOĐENJE RADOVA**

### **Član 7.**

Izvođač se obavezuje da sve radove iz člana 1. ovog ugovora izvede u roku od ukupno četiri (4) kalendarska dana, po dva (2) kalendarska dana računajući od dana uvođenja izvođača u posao na lokalitet i to:

- Lokalitet Ilijaš dva (2) kalendarska dana (od subote u 08,00 do nedelje u 24,00 sata);
- Lokalitet Vogošća dva (2) kalendarska dana (od subote u 08,00 do nedelje u 24,00 sata).

## **GARANCIJA ZA KVALITET IZVEDENIH RADOVA**

### **Član 8.**

Izvođač garantuje da su izvedeni radovi u vrijeme primopredaje u skladu sa Ugovorom, propisima i pravilima struke i da nemaju nedostataka koje onemogućavaju ili umanjuju njihovu vrijednost ili njihovu podobnost za redovnu upotrebu, odnosno upotrebu određenu Ugovorom.

### **Član 9.**

Garantni rok za kvalitet izvedenih radova iznosi jednu (1) godinu. Garantni rok počinje da teče od primopredaje izvedenih radova.

Za materijal koju ugrađuje Izvođač važi, u pogledu sadržine i roka, garancija proizvođača materijala.

### **Član 10.**

Izvođač je dužan da o svom trošku otkloni sve nedostatke koji se pokažu u toku garantnog roka, a koji su nastupili usljed toga što se Izvođač nije držao svojih obaveza u pogledu kvaliteta radova i materijala.

Naručilac je dužan da o primijećenim nedostacima obavijesti Izvođača bez odlaganja.

Izvođač se obavezuje da će u garantnom roku, a na prvi poziv investitora o svom trošku otkloniti sve nedostatke koji se odnose na način izvođenja i kvalitet ugovorenih radova, odnosno koji su nastali zbog upotrebe materijala koji ne odgovara ugovorenoj kvaliteti. Naručilac ima pravo i na naknadu štete po ovom osnovu.

### **Član 11.**

Ako Izvođač ne pristupi izvršenju svoje obaveze iz člana 10. ovog ugovora, u roku od tri (3) dana od dana prijema poziva Naručioca i ne izvrši obavezu u primjerenom roku, Naručilac je ovlašten da za otklanjanje nedostataka angažira drugu pravnu ili fizičku osobu i da nastalim troškovima tereti Izvođača.

Naručilac je pri tome dužan da postupa u skladu sa dobrim poslovnim običajem, odnosno da za otklanjanje nedostataka ne utroši više sredstava nego što je objektivno potrebno.

Izvođač nije dužan da otkloni one nedostatke koji su nastali kao posljedica nestručnog rukovanja i upotrebe, odnosno nenamjenskog korištenja objekta / radova.

## **UGOVORNA KAZNA**

### **Član 12.**

Ako Izvođač zakasni s izvođenjem radova, odnosno sa predajom ugovorenih radova, obavezan je za svaki započeti dan zakašnjenja platiti Naručiću ugovorenu kaznu u iznosu od 1% od ukupne vrijednosti ugovorenih radova iz ponude Izvođača / specifikacije člana 1. ovog ugovora.

Ako Naručilac zakasni s ispunjenjem svoje obaveze u plaćanju dužan je Izvođaču platiti zateznu kamatu po stopi koja je utvrđena pozitivnim zakonskim propisima iz oblasti obračuna zatezne kamate.

Ukupna vrijednost ugovorne kazne ne može iznositi više od 10% od ukupne vrijednosti ugovorenih radova.

## **PRIMOPREDAJA IZVEDENIH RADOVA, KONAČAN OBRAČUN**

### **Član 13.**

Izvođač će odmah, a najkasnije u roku od tri (3) kalendarska dana, nakon završetka radova, u pisanom obliku, obavijestiti Naručioca da su ugovoreni radovi izvedeni.

Naručilac i Izvođač su dužni da pristupe primopredaji izvedenih radova u roku ne dužem od tri (3) kalendarska dana računajući od obavijesti iz stava 1. ovog člana i sačine pismeni zapisnik o primopredaji radova.

Naručilac i Izvođač su dužni da pristupe konačnom obračunu u roku ne dužem od tri (3) kalendarska dana nakon potpisivanja zapisnika o primopredaji izvedenih radova bez primjedbi.

### **Član 14.**

Konačnim obračunom se raspravljaju odnosi između ugovorača i utvrđuje izvršenje njihovih međusobnih prava i obaveza iz Ugovora.

Konačnim obračunom obuhvataju se svi radovi izvedeni na osnovu Ugovora, uključujući i nepredviđene i naknadne radove koje je izvođač bio dužan ili ovlašten da izvede.

Ovlašteni predstavnici ugovornih strana sastavljaju zapisnik o konačnom obračunu koji sadrži, naročito, slijedeće odredbe / podatke:

1. vrijednost izvedenih radova prema ovom ugovoru;
2. vrijednost razlike između izvedenih i ugovorenih radova, ako je ima;
3. konačan iznos koji izvođač treba da primi ili vrati po nespornom dijelu obračuna;
4. podatak da li su radovi završeni u ugovorenom roku, a ako nisu, koliko iznosi prekoračenje roka;
5. podatak o tome koji ugovarač, po kom osnovu i u kom iznosu zahtijeva naplatu ugovorne kazne i naknade štete, kao i njihove osporene i neosporene iznose;
6. ukupni iznos cijene izvedenih radova
7. podatke o drugim činjenicama o kojima nije postignuta saglasnost ovlaštenih predstavnika ugovorača.

Konačan obračun izvršenih radova mora se izvršiti najkasnije u roku od tri (3) kalendarska dana od dana potpisivanja zapisnika o primopredaji izvedenih radova bez primjedbi.

## **RASKID UGOVORA**

### **Član 15.**

Naručilac može raskinuti ugovor jednostrano u sljedećim slučajevima:

- 1) ako Izvođač bez pismene saglasnosti Naručioca ustupi trećim osobama izvođenje pojedinih radova koji su predmet ovog ugovora;
- 2) ako Izvođač dođe u situaciju da ne može izvršiti svoje obaveze iz Ugovora;
- 3) ako je neopravdano zaostajanje u izvođenju radova koje je veće od 10% ugovorenog roka.

### **Član 16.**

Zbog neizvršenja ugovorenih obaveza Naručioca Izvođač može raskinuti ugovor samo ako prethodno Naručiocu da primjereni naknadni rok za izvršenje obaveze, a Naručilac ni u naknadnom roku ne izvrši svoje obaveze.

### **Član 17.**

Ugovor se raskida izjavom u pisanom obliku koja se dostavlja drugoj ugovornoj strani. U izjavi mora biti naveden razlog zbog kojeg se Ugovor raskida.

### **Član 18.**

Ako se Ugovor raskine krivnjom Izvođača Naručilac mu je dužan platiti nesporne izvedene radove, dok je Izvođač dužan Naručiocu naknaditi štetu koja mu je nastala raskidom ugovora.

### **Član 19.**

Ako ugovorne strane sporazumno raskinu ugovor tim sporazumom regulirat će sva pitanja nastala povodom raskida ugovora.

## OSTALE ODREDBE

### Član 20.

Izvođač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 21.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja Ugovora na snagu, ukoliko posebnom odredbom nije ugovoren neki drugi datum kao početak toka roka.

### Član 22.

Ugovorne strane su saglasne sa primjenom odredbi Zakona o obligacionim odnosima, odnosno odredbi Posebnih uzansi o građenju, u granicama i okvirima koje za uzanse propisuje i dozvoljava citirani zakon, i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

### Član 23.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

### Član 24.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

### Član 25.

Ovaj ugovor je sačinjen u četiri (4) istovjetna primjerka od kojih svaka ugovorna strana zadržava po dva (2) primjerka.

Izvođač:  
**Colorex d.o.o. Mostar**

  
Janja Gabrić  


Broj: 279/2020

Sarajevo, 30.10.2020

Naručilac:

**Javna ustanova Zavod za zdravstvenu zaštitu  
žena i materinstva Kantona Sarajevo**

  
DIREKTOR

Mr. sci. med. dr. Amra Hasanović

Broj: 10/14989-01/20

Sarajevo, 28.10.2020

